

Maori

Kei te rau mātātahi puta noa i te ao, nei te maioha rongomau a te mātātahi o Cymru ki a koutou katoa.

Tiki toko ... tiki toko ... Kei te tere pau te wā, kua tae tātau ki te pekanga o ngā ara. He mate tūturu te tīnihanga o te āhuarangi, me mahi tahi tātou ināianei. Ki te whakamahana tonu tātou i a Papatūānuku, kua kore te takoto o te Kōpaka Raro e pēnei anō a te toru tau e tū mai nei. Pono.

Ki te piki ake te pae mahana o te ao mā te 4°C, ākuni pea ka taurakina a Papatūānuku, ka whātoro atu te koraha o te Sahara ki te whenua o Wīwī. Pono.

I ia tau, 11 tana o te hauhā ka hangaia e ia tangata o Cymru. Pono.

I ia tau, 0.2 tana o te hauhā ka hangaia e ia tangata o Kenya. Pono.

Kāore e taea te kī, he kūware nōu ki:

te nui o te penihēni e moumou ana i a tātou;

te nui o te manawa whenua e keria mai ana i a Papatūānuku;

tā tātou moumou mārika i ā tātou rawa;

tō tātou kōhuru i a Papatūānuku.

Rite tonu tō mātou karere i tērā tau, inatahi tau hoki. Ekore te wā e whanga ki a tātou. He tonu mārire tēnei ki te mātātahi o te ao kia tūhono tahi ki a mātou te mātātahi o Cymru. Hei aha rā? Hei kawē i tēnei kaupapa ki te ao, kia rangona tō tātou reo. He kaupapa te tīni āhuarangi hei whakatutukitanga mā tātou ināianei. He karanga tēnei ki a koe, kia tae atu koe ki te pekanga, kōwhiria te ara tika. Ekore a muri e hokia. He huarahi hou e tūwhera ana i te rā nei, he ao anō āpōpō. Tiki-toko, tiki-toko. Kei te rongu koe i te tangi a te matawā?

nā te Ope Mātātahi o Ceredigion